

KERATAN AKHBAR

TARIKH : 15 JUN 2020

AKHBAR : BERNAMA

MUKA SURAT : -

COVID-19 mempercepat agenda digital, kata Mustapa

KUALA LUMPUR, 15 Jun -- COVID-19 bukan hanya mempercepat agenda pendigitalan negara tetapi juga meningkatkan kemahiran rakyat Malaysia menggunakan platform digital dalam urusan seharian, kata Menteri di Jabatan Perdana Menteri (Ekonomi) Datuk Seri Mustapa Mohamed.

Beliau berkata walaupun pandemik itu merupakan krisis kesihatan yang amat serius, ia juga menyediakan kesempatan untuk mara ke hadapan mencapai agenda digital, terutamanya bagi menjadikan rakyat lebih mesra digital.

"Kita telah mengubah cara kita melakukan sesuatu, kita bekerja dari rumah...kita banyak melakukan urusan dalam talian, itu merupakan penggerak utama bagi kerajaan untuk mempercepat pendigitalan," katanya dalam ucapan tama beliau semasa Forum NEC Roland Berger Live dengan tajuk 'Mempercepat ID Digital bagi Membolehkan Ekonomi Digital dalam Norma Baharu' di sini, hari ini.

Forum itu yang dihoskan oleh NEC Corporation juga disertai Pengarah Urusan NEC Malaysia Chong Kai Wooi, Ketua NEC Consulting Walter Lee, Ketua Pegawai Strategi Perbadanan Ekonomi Digital Malaysia Datuk Fadzli Shah Anuar serta Ketua Penyelidik dan Felo Penyelidik Kanan Institut Penyelidikan Ekonomi Malaysia (MIER) Dr. Shankaran Nambiar.

Antara isu-isu kritikal yang dibincangkan ialah bagaimana penggunaan teknologi maklumat (IT) boleh menarik pelabur asing ke Malaysia, mengapa ID digital penting dalam norma baharu ekonomi digital, bagaimana ID digital memberi impak kepada Malaysia, bagaimana untuk memanfaatkan kuasa ID digital dan bagaimana menggunakan teknologi untuk memulakan perniagaan.

Selain itu, Mustapa berkata semasa krisis COVID-19, kerajaan berdepan dengan cabaran apabila beberapa agensi kerajaan masih belum bersedia dari segi digital.

"Jadi, ini adalah antara beberapa pengajaran yang kita pelajari menuju ke masa depan, Sudah tentunya, kita bertekad untuk memastikan Malaysia memanfaatkan sepenuhnya landskap yang berubah ini.

"Kita berharap agar dapat memastikan setiap rakyat Malaysia bersedia dari segi digital, kami bersedia untuk melakukan perniagaan dengan yang lain...kami ingin mempelawa pelabur melabur di Malaysia, kami bekerjasama dengan rakan kongsi dari luar negara, kami mahu melakukan lebih lagi bagi meningkatkan agenda digital.

"Sudah pastinya, kejayaan negara akan banyak bergantung kepada sepantas mana kita menyesuaikan diri dengan norma baharu ini," katanya.

-- BERNAMA

TARIKH : 15 JUN 2020
AKHBAR : BERITA HARIAN
MUKA SURAT : 18

Sasar 30,968 peneroka FELDA sertai PPP

Projek di Bukit Rokan babit sektor pertanian, ternakan sejak akhir 2019

Tampin: Kerajaan menyasarkan pembabitkan 30,968 peserta dalam kalangan peneroka FELDA menerusi Program Pembangunan Peneroka (PPP) menjelang hujung tahun ini.

Menteri di Jabatan Perdana Menteri (Ekonomi), Datuk Seri Mustapa Mohamed, berkata ketika ini 200 peserta gigih menyertai projek rintis PPP di FELDA Bukit Rokan di sini, yang mencapai kemajuan kerja 65 peratus bagi fasa pertama pelaksanaan

nya, bermula sejak hujung tahun lalu.

Katanya, projek utama PPP di FELDA Bukit Rokan ini membabitkan sektor pertanian dan penternakan, antaranya tanaman cili, cendawan, sayur berdaun dan ternakan arnab di kawasan tanah seluas 31.3 hektar.

"Projek rintis ini akan dikembangkan ke seluruh 11 wilayah FELDA di seluruh negara," katanya kepada pemberita selepas lawatan kerja di Rancangan



Mustapa (dua dari kiri) mendengar penerangan oleh Ketua Pegawai Eksekutif Koperasi Permodalan FELDA (KPF), Sarinah Salleh mengenai projek tanaman cili fertigasi ketika mengadakan lawatan kerja ke FELDA Bukit Rokan, Wilayah Raja Alias, semalam. (Foto Azrul Edham Mohd Aminuddin/BH)

FELDA Bukit Rokan dekat sini, semalam.

Yang turut hadir; Pengarah Besar FELDA, Datuk Dr Othman Omar.

Mengulas lanjut, Mustapa berkata, daripada peruntukan RM250 juta yang disediakan kerajaan untuk PPP di seluruh negara tahun ini, sebanyak RM10 juta adalah bagi projek rintis PPP di FELDA Bukit Rokan.

Katanya, ternakan arnab yang dilaksanakan menerusi projek

Projek rintis ini akan dikembangkan ke seluruh 11 wilayah FELDA di seluruh negara.

Mustapa Mohamed, Menteri di Jabatan Perdana Menteri (Ekonomi)

rintis PPP mempunyai potensi besar dieksport memandangkan ia mempunyai nilai yang tinggi.

"Koperasi Permodalan FELDA Malaysia Berhad selaku pemaaju utama turut menguruskan hal berkaitan pemasaran. Kejayaan di sini akan menjadi contoh dan motivasi bagi peserta lain untuk terus berdaya saing dalam meningkatkan hasil pendapatan mereka dan tidak hanya bergantung kepada hasil tanaman getah sawit," katanya.

BERNAMA

